



Luxembourg, le 13 juillet 2020

REÇU

Par Alff Christian , 12:02, 14/07/2020

Le Ministre de l'Économie
à
Monsieur le Ministre aux
Relations avec le Parlement

L-2450 LUXEMBOURG

Réf.: Co/QP2384-02/SW-rg

**Objet: Question parlementaire N° 2384 du 10 juin 2020 de Monsieur le Député
Fernand Kartheiser**

J'ai l'honneur de vous transmettre ci-joint la réponse commune à la question parlementaire reprise sous rubrique.

Pour le Ministre de l'Économie

Tom Theves
Premier Conseiller de gouvernement

Dossier suivi par : Stéphanie Wagemans, tél : 247-88425 ; email : stephanie.wagemans@eco.etat.lu

Réponse commune de Monsieur le Ministre de l'Économie, Franz Fayot, et de Monsieur le Ministre des Communications et des Médias, Xavier Bettel, à la question parlementaire n°2384 du 12 juin 2020 de Monsieur le Député Fernand Kartheiser au sujet de la distribution du courrier postal

Op der Basis vum Gesetz vum 26. Dezember 2012 iwwert d'Postservicer leet d'Reglement vum ILR P13/10/ILR vum 19. Juli 2013, d'Qualitéitsnormen, déi bei der Verdeelung vu Postsendunge bis 50 Gramm ze respektéiere sinn, fest. Zanter 2013 sinn dës Normen net méi geännert ginn. Dës Norme gesi vir dass 85% vum nationale Courier muss J+2 verdeelt sinn an dass 99% vum nationale Courier muss J+3 verdeelt sinn.

Onofhängeg vun de gesetzleche Mindestvirgaben, déi fir all Entreprise gëllen déi esou Bréiwer verdeelen, ass d'POST beméit, déi héchstméiglech Qualitéit bei der Bréifverdeelung ze bidden. Dofir gëtt vun der POST och weiderhin esou vill wéi méiglech Courier am J+1 verdeelt. De festgeluechte Standard gëtt dobäi bei wäitem iwwerschratt, wéi d'Resultater vu POST Lëtzebuerg aus dem Joer 2019 et beleen:

- Verdeelung op J+1 : 86,5%
- Verdeelung op J+2 : 98,0%
- Verdeelung op J+3 : 99,4%

D'Investitiounen déi gemaach goufen, an dorënner falen zum Beispill de Centre de Tri zu Beetebuerg, deen 2006 a Betrib gaangen ass, an di néng Centre de Distribution régionaux, haten den Zweck fir d'Verdeele vum Bréifverkéier och zu Spëtzenzäiten ze erméiglechen. D'Postverdeelung funktionéiert nach ëmmer no dem selwechte Prinzip ewéi deemools, a sämtlech Investissementer di gemaach goufe ginn haut nach gebraucht fir de gudden Fonctionnement vun der Bréifpost ze assuréieren.

Um europäeschen Niveau ass de Bannemaart vun de Postservicer progressiv liberaliséiert ginn, iwwert verschidden europäesch Direktiven¹. Zu Lëtzebuerg ass de Postmarché zanter dem 1. Januar 2013 liberaliséiert a POST Lëtzebuerg huet kee Monopol bei der Bréifverdeelung méi. Déngschtleeschter kënnen also Postservicer ubidden, déi ganz oder zum Deel am Beräich vum Universaldéngscht leien.

¹ [La directive 2008/6/CE du Parlement européen et du Conseil du 20 février 2008](#) modifiant la directive 97/67/CE en ce qui concerne l'achèvement du marché intérieur des services postaux de la Communauté.

[La directive 2002/39/CE du Parlement européen et du Conseil du 10 juin 2002](#) modifiant la directive 97/67/CE en ce qui concerne la poursuite de l'ouverture à la concurrence des services postaux de la Communauté.

[La directive 97/67/CE du Parlement européen et du Conseil du 15 décembre 1997](#) sur les règles communes pour le développement du marché intérieur des services postaux de la communauté et l'amélioration de la qualité du service.

2019 war eng ëffentlech Consultatioun lancéiert ginn zum Ausféiere vum Postuniversaldéngscht, fir den Interêt vu Prestataire, fir esou e Statut ze kréien, ze sondéieren. POST Lëtzebuerg ass deen eenzeg Déngschtleeschter deen en Interêt matgedeelt huet a krut seng Missioun fir d'Erhale vun engem qualitative Postuniversaldéngscht bis 2029 erneiert.

Den Artikel 9 vum ofgeännerte Gesetz vum 26 Dezember 2012 zu de Postdéngschtleeschunge gesäit vir, dass en Reglement vum ILR Qualitéitsnorme vum Service festhält, déi sech op all d'Prestataire vu Servicer, déi ganz oder zum Deel zum Postuniversaldéngscht gehéieren, applizéieren. Andeems den ILR Minimalnorme festleet fir Postsendunge vun der éischer Gewiichtsklass (bis 50 Gramm), huet den ILR also am Kader vun de Kompetenze gehandelt, déi vum Gesetz virgeschriwwen sinn. Bei den Normen déi den ILR festleet, handelt et sech ëm Minimalnormen, d'Prestataire kënnen selwer méi strikt Krittären uwenden.

D'POST, esou wéi och all aner Operateur dee Member an der IPC (International Post Corporation) ass, engagéiert sech zu enger gewëssener Qualitéit bei dem Verdeele vun auslännesche Bréiwer an dem jeeweilege Land.

Déi Engagementer betreffen awer net nëmmen eng Verdeelung op J+1, mee sinn iwwert J+x Deeg gestaffelt. Et gëtt an deem Sënn kee J+1 Standard a Penalitéite ginn och net fälleg, wann de J+1 net respektéiert gëtt, mee nëmme wann de ganzen Engagement iwwert J+x net respektéiert gëtt.

D'Ofrechnung tëscht de Post-Operateure berout op engem Netting vun den Import- an den Exportkäschten. Penalitéiten entstinn do op béide Säiten.

Wann een elo just den Import kuckt, also déi auslännesch Bréiwer, déi zu Lëtzebuerg verdeelt ginn, da variéiert d'Zomm vun de Penalitéiten déi mat deenen 23 Memberen aus dem IRA-E an dem viséierten Zäitraum entstanen ass tëscht 0 EUR an 13.098 EUR pro Joer. Deem géintiwier stinn awer Recetten an der selwechter Gréisstenuerdnung aus den auslännesche Penalitéiten, sou dass ee beim internationale Bréifverkéier net vun Abousse schwätze kann.